

Oranjestad ta un vitrina pa Herencia y Arte e Diadomingo aki

ORANJESTAD - Cuan-to biaha nos ta propone pa bishita un exposicion of museo aki na Aruba mes y pa un of otro motibo no ta logra. Mayoria di nos no ta falta un museo of atraccion cultural ora nos ta den exterior, pero aki na cas door cu e ta serca, nos ta tarda pa yega. Diadomingo awor dia 2 di december instancianan den Playa lo brinda un oportunidad special na un y tur cu semper ta planea, pero te awor aki no a yega, pa conoce di cerca e rikeza creativo di pasado, presente y futuro di nos dushi Aruba. Un bus lo core desde 10:30 di mainta entre 7 locacion den Playa caminda bishitantenan por baha, disfruta di un exposicion, un workshop, un charla, bebe y come algo y

na 'Happy Islands' cual ta un di e exposicionnan di e Prome Bienal di Aruba. Artistanan local manera Ryan Oduber, Ciro Abath y Nelson Gonzalez lo ta presente pa duna publico un guia door di e exposicion aki cu ta un 'must see'. E obra di Ciro Abath por ehempel ta un instalacion fantastico cu ta acapara atencion di grandi y chikito. Obranan di artistanan di ente otro Jamaica, Barbados y Santo Domingo ta completa e exposicion aki den Free Zone cu ta ponebo sinti manera cu bo ta den un pavilion di arte na un Bienal Internacional. Na Waf Chikito bus lo para pa e actividad di Stichting Rancho den cual lo ofrece cuminda di Aruba y Colombia cu ente otro demostracion di tradici-



Artista Osaira Muyale den expo na VNO.



Artista Belinda de Veer cu Minister di Cultura.



Expo Linked na Ateliers'89.



Obra Artista Ciro Abath na Freezone.

warda bus pa subi atrobe bai e proximo destinacion.
EXPOSICIONNAN DI ARTE
E ruta aki ta ofrece un parada

onnan Wayuu. E actividad aki lo sigui te mas laat atardi.
VNO
Un otro parada lo ta na e oficina di e Representacion di

Hulanda na Aruba (VNO). Akinan por aprecia un exposicion di arte yama 'One Happy Kingdom' cu cuadra, escultura, video y mas. VNO ta mira

den arte y cultura e medionan ideal pa construi brugnan entre e diferente comunidanan den Reino. Elvis Tromp, Stan Kuiperi y Glenda Heyliger ta algun di e artistanan cu tin un obra den e exposicion aki.

BELINDA DE VEER

UNOCA den Stadionweg ta anfitrión di nos artista Belinda de Veer, kende a inspira su mes riba e dilema si nos isla ta un desierto of un paraiso. Publico lo por combersa cu conocedornan di e trabou di Belinda y UNOCA lo tin sigur un treat pa tur esnan cu bishita.

LINKED

E futuro creativo di Aruba ta den e exposicion 'Linked' na Ateliers' 89 den Dominica-nessestraat. Artistanan hoben manera Kevin Schuit, Pricilla Lacle y Cado Lannoy ta presenta instalacionan, video, fotografia y otro expresion-

nan di arte. E proyecto y exposicion aki a haya un sosten y aclamacion den Reino y Regio y a haya hopi bishita di hobennan. Director Elvis Lopez y algun hoben artista lo t'ey pa ricibi un y tur y duna un splicacion tocante e obranan. Ateliers' 89 lo ta habri te cu 4'or di atardi.

HERENCIA ARUBANO

E herencia rico di Aruba lo ta presenta na Museo Arqueologico y Museo Historico. Na e ultimo aki tin un exposicion temporario di maquetanan di Rita Maasdamme cualnan ta muestra bida na Aruba den diferente periodo di Historia y Pre-historia.

Publico por subi e bus mainta 10:30, despues di e desvelo di e canoa na Museo Arqueologico of na cualkier otro parada despues. Bus lo sigui core entre e actividad te cu 2:30 di merdia. E careichi den bus y entradanan ta gratis. □



Obra di Arte den exposicion na VNO.